



CONCELLO DE MONFERO (A Coruña)

ACTA DA SESIÓN EXTRAORDINARIA CELEBRADA POLA XUNTA DE GOBERNO LOCAL DO CONCELLO DE MONFERO O DÍA CATORCE DE MARZO DE DOUS MIL VINTE E CINCO (10/2025)

Na Casa do Concello de Monfero, as doce horas e trinta e catro minutos do catorce de marzo de dous mil vinte e cinco, en primeira convocatoria, baixo a presidencia do Primeiro Tenente de Alcalde, D. Alberto Cortizas Rejo, en funcións de Alcalde por enfermidade do Sr. Alcalde, D. Andrés Feal Varela, reúnen-se os Sres. Concelleiros: D. José Grueiro Torrado e D. Ramón Grueiro Martínez, para o efecto de celebrar a sesión extraordinaria convocada para ese día ás doce horas e trinta minutos.

Actúa como secretario o que o é da Corporación, D. Baldomero Beceiro Alonso.

Os asuntos da **orde do día** son os seguintes:

1. Aprobación da acta da sesión do día 12 de marzo de 2025
2. Licencias de obras
3. Xustificación de subvención nominativa
4. Contrato menor de subministración
5. Modificación de datos de inscrición no Rexistro de Animais Potencialmente Perigosos

1. APROBACIÓN DA ACTA DA SESIÓN DO DÍA 12 DE MARZO DE 2025

O Sr. Alcalde en funcións pregúntalles aos asistentes se teñen que facer algunha alegación á devandita acta, que, como está acordado, se publicou no Taboleiro de Anuncios Electrónico do Concello con anterioridade á convocatoria desta sesión, e non formulan ningunha. O Sr. Alcalde en funcións, ao non facerse ningunha alegación, proclama que a acta da sesión do día 12 de marzo de 2025 se considera aprobada sen ningunha obxección.

2. LICENCIAS DE OBRAS

O Sr. Secretario-Interventor dá conta da solicitude da persoa interesada coa documentación que lle achega, das autorizacións e/ou informes sectoriais, dos informes técnico e xurídico, da proposta de acordo da Alcaldía con respecto a este punto da orde do día que consta asinada dixitalmente no expediente electrónico da aplicación Tedec que se indica neste acordo máis adiante e que se transcribe literalmente deseguido e do resto da documentación que consta nel:

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

"PROPOSTA DE ACORDO QUE FORMULA A ALCALDÍA

CONCESIÓN DE LICENCIA DE OBRAS

Logo de ver o expediente urbanístico municipal (TEDEC) número: 2023/U022/000005, que se describe a continuación cos seguintes datos:

Expediente municipal (TEDEC) número: 2023/U022/000005

Datos do interesado/a: D. JESÚS MARTÍNEZ PÉREZ

Número e data de entrada no Rexistro Municipal: nº202399900000471 de data 05/10/2023, nova documentación de rexistro de entrada nº 202399900000560 de data 20/11/2023 e a última con nº de rexistro 202490000000475 de data 16/07/2024

Lugar de realización: Portapena. Parroquia de Alto Xestoso. Concello de Monfero. A Coruña.

Referencia catastral rústica: Parcelas 15051A106005750000TZ, 15051A106005810000TW, 15051A106005890000TT, 15051A106005770000TH, 15051A106005920000TT que constan agrupadas nunha única parcela con referencia catastral 15051A106026450000TU

Explotación gandeira CEA S150500066801

Descrición técnica das obras: "LEGALIZACIÓN DE ALPENDRE"

Autor do proxecto: D. Bernardino González Pena, Enxeñeiro técnico agrícola, colexiado nº 1865

Orzamento de execución material: 44.745,24 €.

Tendo en conta os antecedentes urbanísticos que son os seguintes:

Ao abeiro da información obrante no expediente e ao abeiro do proxecto achegado consta unha parcela de 11.718 m2 froito da agrupación das parcelas con referencia catastral 15051A106005750000TZ, 15051A106005810000TW, 15051A106005890000TT, 15051A106005770000TH, 15051A106005920000TT

Segundo o proxecto a parcela conta cunhas construción afectas á explotación con CEA ES150500066801 e existentes con data anterior ao 1 de xaneiro de 2003:

- Agrario de 45 m² datado del año 1970 segundo catastro.
- Agrario de 48 m² datado do ano 1970 segundo catastro.
- Establo de 413 m² datado del año 1985 segundo catastro
- Establo de 205 m² datado del año 1985 segundo catastro.

O alpendre que se pretende legalizar conta cunha superficie construída de 851 m² o seu uso e afecto á explotación pero non conta cunha ampliación de número de cabezas de gando nin de produción, o seu uso previsto e o da garda de maquinaria agrícola.

A explotación ten coma titular a D. JESUS MARTÍNEZ PEREZ (GANDEIRÍA ROIBÁN SC) e conta con CEA ES150500066801.

A actividade principal da explotación é a produción de leite de vaca.

Considerando que:

1.- As obras a realizar, incluídas no citado proxecto, consisten na legalización dun alpendre na Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

explotación. O alpendre que se pretende legalizar conta cunha superficie construída de 851 m². O seu uso está afecto á explotación pero non conta cunha ampliación de número de cabezas de gando nin de produción. O seu uso previsto é o da garda de maquinaria agrícola.

2.- Están suxeitas a licenza municipal por atoparse entre os actos que sinala o artigo 142.2 da Lei 2/2016, do 10 de febreiro, do Solo de Galicia, e están, polo tanto, suxeitas ao procedemento de outorgamento de licencias segundo o art. 143 da mesma Lei.

3.- No proxecto descríbense expresamente os actos que se pretenden realizar e xustifícase que os mesmos cumpren coa ordenación urbanística de aplicación. A descrición técnica que se achega das características do acto de que se trata é suficiente e axeitada.

4.- A clasificación actual da parcela sobre a que se asenta a construción é a de solo rústico de protección ordinaria ao carecer o Concello de planeamento municipal e a que lle outorga o Plan Xeral de Ordenación Municipal do Concello de Monfero, aprobado inicialmente pola Corporación Municipal o 16 de marzo do 2016, é a de Solo Rústico especialmente protexido de protección agropecuaria, Solo Rústico Especialmente Protexido de Protección das Augas, e Solo Rústico Especialmente protexido de protección de Infraestruturas

5.- Que examinada a referencia catastral, segundo o Plan Básico Autonómico, aprobado polo Decreto 83/2018, do 26 de xullo, a edificación se atopa dentro da área de afección de policía de cauces e enerxética, polo que, previo á obtención do título habilitante municipal, se require de informe supra municipal do órgano que teña a competencia sectorial correspondente.

Consta no expediente Resolución favorable de data 17/11/2023, do Organismo competente en materia de Augas outorgando autorización para a legalización solicitada. Clave: DH.W15.96324

Consta, así mesmo, no expediente informe sectorial da XUNTA DE GALICIA. CONSELLERÍA DE MEDIO RURAL (expte 2024/1268131), no que se indica que o solo obxecto da actuación non se corresponde cun solo rústico de especial protección agropecuaria polo que, quedando fora do seu ámbito competencial, non procede a emisión de informe.

Non se precisan mais autorizacións ou informes sectoriais.

6.- As obras a realizar pódense levar a cabo por tratarse de obras de ampliación dunha explotación que xa existía no momento da entrada en vigor da Lei 9/2002, de 30 de decembro, de ordenación urbanística e protección do medio rural de Galicia, destinada a unha actividade vinculada coa explotación e de apoio á actividade agropecuaria, que cumpre cos parámetros esixibles do art. 39 da Lei 2/2016, do 10 de febreiro, do Solo de Galicia, en relación co sinalado na Instrución 1/2016, do 29 de abril, sobre o réxime aplicable ás explotacións e instalacións de apoio á actividade agropecuaria existentes no momento de entrada en vigor da Lei 9/2002, no sentido de que estas ampliacións en ningún caso serán consideradas como novas explotacións e non lles resultan aplicables as esixencias contidas na alínea g) do artigo 39 da Lei 2/2016, que só serán aplicables ás novas explotacións.

7.- As obras comunicadas, non están afectadas pola suspensión de licencias no sentido de que a suspensión do outorgamento das licenzas acordada non afectará ás obras de mantemento, conservación e reforma, agás nos casos de obras de rehabilitación integral que sexan equiparables ás de reconstrución total do edificio non xustificadas en razóns de urxencia ou que supoñan un aumento de volume do edificio, nin as licenzas de primeira ocupación, nin aos actos suxeitos ao trámite de comunicación previa, sempre e cando se trate de obras ou actos para a

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

implantación de usos ou actividades autorizados polo novo planeamento, nin aos proxectos que cumpran simultaneamente coa normativa vixente e coa proposta no PXOM aprobado inicialmente e, para estes efectos, efectuar as adaptacións necesarias e entender que o réxime aplicable ao solo rústico é o previsto para este tipo de solo na Lei 2/2016 do 10 de febreiro, do Solo de Galicia, e que para as edificacións tradicionais existentes, tanto neste tipo de solo como no solo de núcleo rural, é o previsto no artigo 40 da Lei 2/2016.

8.- A solicitude de licenza, coa documentación que se lle achega, está completa segundo o establecido no art. 143 da devandita Lei 2/2016.

9.- Constan no expediente un informe técnico favorable, de data 12/03/2025 e informe xurídico. Do informe xurídico e informe favorable do técnico contratado para o efecto se da conta detallada neste acto.

Tendo en conta que na tramitación do expediente observáronse as prescricións legais aplicábeis, propóñolle á Xunta de Goberno local, en harmonía cos devanditos informes, sen prexuízo de terceiros e deixando a salvo o dereito de propiedade, conforme dispón o artigo 12 do Regulamento de Servizos das Corporacións Locais, a adopción dos seguintes acordos:

1.- Conceder a licenza urbanística para as obras que se indican a continuación, que non eximen da obtención doutras que, se for o caso, procedan.

A D. JESÚS MARTÍNEZ PÉREZ, para a realización das obras contidas no proxecto denominado: PROXECTO DE LEGALIZACIÓN DE ALPENDRE" no lugar de Portapena, parroquia de Alto Xestoso deste termo municipal, a executar conforme ao proxecto técnico elaborado por D. Bernardino González Pena, Enxeñeiro técnico agrícola, colexiado nº 1865, cun orzamento de execución material de: 44.745,24 €.

2.- Condicionar a concesión da citada licenza urbanística ao cumprimento das condicións que se indican a continuación, ás que así mesmo se presta aprobación, e ao sometemento ao disposto pola normativa vixente de aplicación.

CONDICIÓNS XERAIS E ESPECÍFICAS

1) As obras que se solicitan deberán cumprir os seguintes prazos: o prazo de iniciación non poderá exceder dos seis meses e o de terminación os tres anos, desde a data do seu outorgamento, e non poderán interromperse as obras por tempo superior a seis meses.

2) Unicamente se poderán executar as obras contempladas no proxecto e coas características tipolóxicas, estéticas e construtivas e cos materiais, cores e acabados acordes coa paisaxe rural e as construcións do entorno. As dimensións e características das obras non excederán das autorizadas, considerándose como infracción urbanística calquera extra limitación na que se incorra. Toda variación que se pretenda introducir precisará da conformidade previa.

3) Ademais de cumprir coas condicións de edificacións indicadas no proxecto así coma no presente informe, deberá cumprir co establecido nos apartados a - b - e, do art. 39 da Lei 2/2016 que se indican a continuación:

a/Garantir o acceso rodado de uso público adecuado á implantación, o abastecemento de auga, a evacuación e o tratamento de augas residuais, a subministración de enerxía eléctrica, a recollida, o tratamento, a eliminación e a depuración de toda clase de residuos, e, de ser o caso,

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

a previsión de aparcadoiros suficientes, así como corrixir as repercusións que produza a implantación na capacidade e funcionalidade das redes de servizos e infraestruturas existentes.

b/Prever as medidas correctoras necesarias para minimizar a incidencia da actividade solicitada sobre o territorio, así como todas aquelas medidas, condicións ou limitacións tendentes a conseguir a menor ocupación territorial e a mellor protección da paisaxe, os recursos produtivos e o medio natural, así como a preservación do patrimonio cultural e a singularidade e tipoloxía arquitectónica da zona.

e/Farase constar no rexistro da propiedade a vinculación da superficie esixible á construción e ao uso autorizados, expresando a indivisibilidade e as concretas limitacións ao uso e á edificabilidade impostas polo título habilitante de natureza urbanística ou a autorización autonómica.

4) Na realización dos traballos estarase obrigado a reparar os estragos que como consecuencia das obras se orixinen nas vías públicas e demais espazos lindeiros, e a mantelos en condicións de seguridade, salubridade e limpeza.

5) Deberá acreditarse o cumprimento da Disposición transitoria cuarta da Lei 2/2016 segundo o indicado:

1. As construcións e instalacións situadas en chan rústico que, estando destinadas a actividades vinculadas coa explotación e o apoio á actividade agropecuaria e forestal, así como as de primeira transformación de ambas, existían no momento da entrada en vigor da Lei 9/2002, do 30 de decembro, de ordenación urbanística e protección do medio rural de Galicia, poderán manter a súa actividade.

2. Nestas construcións poderán permitirse, previa obtención de licenza urbanística municipal, as obras de conservación e reforma, así como as ampliacións ata o dobre do volume orixinario da edificación, e sen necesidade de cumprir os parámetros recolleitos no artigo 39 da presente lei, salvo o límite de altura, sempre que manteñan a actividade de explotación ou apoio á actividade agropecuaria ou forestal e que se adopten as medidas correctoras necesarias para garantir as condicións sanitarias, para minimizar a incidencia sobre o territorio e para a mellor protección da paisaxe.

6) A presente solicitude producirá efectos entre o Concello e quen a promove, pero non alterará as situacións xurídicas privadas entre este e as demais persoas. As obras realizaranse deixando a salvo o dereito de propiedade e sen prexuízo do de terceiro.

7) O promotor - solicitante deberá ter a disposición dos servizos municipais a oportuna licenza rexistrada neste Concello e facilitará o acceso dos ditos servizos á obra para a súa comprobación e inspección.

8) Non se poderá dar comezo as obras sen satisfacer previamente a taxa municipal que corresponda e achegar ao concello o oportuno xustificante.

9) De acordo co Art 27.3 de la Lei de Emprendemento (9/2013) Será, en todo caso, necesaria unha nova comunicación previa, cumprindo os requisitos do artigo 24 da presente lei, nos casos de modificación da clase de actividade, cambio de emprazamento, reforma substancial dos locais, instalacións ou calquera cambio que implique unha variación que afecte á seguridade, salubridade ou perigosidade do establecemento.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

O punto 2 do artigo 24 da Lei 9/2013 de 19 de decembro do Emprendemento e da Competitividade Económica de Galicia di: "se para o desenvolvemento da actividade é precisa a realización dunha obra, a documentación anterior presentarse coa comunicación previa prevista na normativa urbanística ou coa solicitude de licenza de obra, de proceder. Polo tanto, logo de rematar a obra, presentárase comunicación previa para o inicio da actividade coa antelación sinalada no parágrafo 1 deste artigo".

Polo tanto, unha vez rematadas as obras o promotor deberá presentar o correspondente certificado final de obra e a comunicación previa da actividade.

9) Tódolos traballos autorizados así coma o título habilitante municipal estarán outorgados salvo dereito de propiedade, dereitos reais e sen prexuízo de terceiros.

10) As obras deberán respectar as condicións sinaladas nos informes sectoriais correspondentes que obran no expediente e en concreto o Informe do Organismo competente en materia de Augas outorgando autorización para a legalización solicitada. Clave: DH.W15.96324. Expediente: Legalización dunha nave, no lugar de Portapena, parroquia do Alto de Xestoso (Santa María), no concello de Monfero (A Coruña).

3.- Aprobar a liquidación polo Imposto sobre Construcións, Instalacións e Obras que se detalla:

Liquidación provisional polo Imposto Municipal sobre Construcións, Instalacións e Obras:

<u>BASE IMPOÑIBLE</u>	<u>TIPO GRAVAME</u>	<u>COTA</u>
44.745,24 €	2,3%	1.029,14 €

O Alcalde en funcións
Alberto Cortizas Rejo

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

3. XUSTIFICACIÓN DE SUBVENCIÓN NOMINATIVA

O Sr. Secretario-Interventor da conta do expediente tramitado, da documentación xustificativa achegada pola entidade beneficiaria, das comprobacións realizadas, da dilixencia da funcionaria que actúa como instrutora do procedemento, do informe de intervención limitada previa de conformidade e da proposta de acordo do Sr. Alcalde en funcións con respecto a este punto da orde do día que se transcribe literalmente deseguido e que, como o resto da documentación, consta asinada dixitalmente no expediente electrónico da aplicación Tedec núm. 2024/A007/A00001:

"PROPOSTA DE ACORDO QUE FORMULA A ALCALDÍA

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

Logo de ver a solicitude e documentación presentada pola persoa que se indica deseguido, xustificativa da aplicación da correspondente subvención nominativa do 2024 para o financiamento dos gastos que tamén se indican a continuación, segundo o convenio asinado para o efecto, con crédito prorrogado ao nivel de vinculación xurídica dos créditos para gastos para o 2025 e con prazo de xustificación tamén prorrogado por resolución da Alcaldía núm. 400/2024, de 30 de decembro de 2024, as bases de execución do orzamento en vigor, que é o de 2023 prorrogado, as súas modificacións, informe de Intervención que consta asinado dixitalmente no expediente electrónico e demais documentación que consta nel, propóñolle á Xunta de Goberno Local a adopción do seguinte acordo:

Aprobar a xustificación presentada e que se proceda ao pagamento da subvención nominativa seguinte:

ENTIDADE	SOLICITANTE	OBXECTO	SUBVENCIÓN CONCEDIDA
SOCIEDADE DE CAZA VIRXE DA CELA	JM GP	Actividade asociación cinexética	600,00 €

Monfero, na data da sinatura dixital deste documento polo Alcalde en funcións,

O Alcalde en funcións

Alberto Cortizas Rejo"

A Xunta de Goberno local, por delegación, toma razón e, por unanimidade, acorda aprobar a proposta, quedando adoptados os acordos que se propoñen nela.

4. CONTRATO MENOR DE SUBMINISTRACIÓN

O Sr. Secretario-interventor dá conta da documentación do expediente e da proposta de acordo da Alcaldía con respecto a este punto da orde do día que, como o resto da documentación á que se

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

refire, consta asinada dixitalmente no expediente electrónico que se indica a continuación, e se transcribe literalmente deseguido:

“PROPOSTA DE ACORDO QUE FORMULA A ALCALDÍA

EXPEDIENTE CONTRATO MENOR 2025/C002/000005	
<i>Órgano de contratación:</i>	Xunta de goberno local
<i>Tipo:</i>	Subministracións
<i>Obxecto:</i>	SUBMINISTRACIÓN DE PRODUTOS QUÍMICOS PARA O TRATAMENTO AUGA E MANTEMENTO EQUIPOS (segundo memoria técnica que consta no expediente)
<i>Código CPV:</i>	24962000-5: produtos químicos tratamento da auga. 50000000 - Servizos de reparación e mantemento.
<i>Orzamento base licitación:</i>	6.799,95€
<i>Prazo entrega:</i>	Catro meses, entrega mensual de acordo coa indicado na memoria.
<i>Aplicación orzamentaria</i>	2025.323.22114 nunha porcentaxe do <u>30,19%</u> 2025.342.22114 nun porcentaxe do <u>69,81%</u>
<i>Necesidade e xustificación do contrato: (art. 118.2 da Lei 9/2017)</i>	O Concello ten a necesidade de contratar esta subministración para a realización e cumprimento dos seus fins institucionais e non conta cos medios materiais nin humanos propios adecuados ou suficientes, nin pode satisfacerse a dita necesidade con ningún outro contrato ou negocio xurídico previo en vigor.
<i>Fins institucionais que pretenden satisfacerse (competencia municipal):</i>	...Instalacións deportivas(25.2.I da Lei 7/1985) ... mantemento edificios titularidade local... (25.2.n, Lei 7/1985)

Para atender a necesidade a satisfacer sinalada, é preciso contratar o obxecto reflectido, que é o idóneo para cubrir a dita necesidade de forma clara, directa e proporcional, resultando entón que a actuación que se pretende contratar é a adecuada para o fin perseguido.

O obxecto do contrato non é susceptible da súa división en lotes porque as subministracións / servizos comprendidas nel non teñen substantividade propia nin constitúen unha unidade funcional por si mesmas de forma independente, e/ou son inseparables, de maneira que non é posible a súa execución / utilización / aproveitamento de maneira separada ou a súa división tería como consecuencia a perda da economía e da eficiencia pola multitude de trámites engadidos que tería o expediente.

O Concello non conta con medios propios persoais ou materiais adecuados ou suficientes, nin pode satisfacerse a dita necesidade con ningún outro contrato ou negocio xurídico previo en vigor, o que acredita axeitadamente a insuficiencia de medios para a realización do obxecto do contrato e a necesidade da contratación dunha empresa externa para a súa realización.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

A contratación que se pretende realizar non altera o obxecto do contrato para evitar a aplicación das regras xerais de contratación. O obxecto do contrato trata de satisfacer unha necesidade puntual e non prevista e é único e non supón, por tanto, fraccionamento do obxecto do contrato (art. 118.3 da Lei 9/2017). O seu valor estimado é inferior aos 15.000,00 euros.

Así pois, considérase que a utilización do contrato menor como sistema para a adxudicación, ademais de resultar procedente, é o máis axeitado pola súa simplicidade, axilidade, eficacia e economía de trámite e a reducida capacidade de xestión municipal, que dificulta a utilización doutros procedementos, inxustificadas tamén economicamente á vista da natureza e contía do contrato.

Polo exposto, propóñolle á Xunta de Goberno local a adopción do seguinte acordo:

PRIMEIRO.- Iniciar o expediente de contratación referenciado ao principio.

SEGUNDO.- Informar que o contrato ao que se refire este expediente é necesario conforme se explicou anteriormente e, polo tanto, que está xustificada de maneira motivada a necesidade da contratación.

TERCEIRO.- Informar que non se está alterando o obxecto do contrato para evitar a aplicación dos límites previstos no artigo 118.3 da Lei 9/2017, cos argumentos expostos anteriormente.

CUARTO.- Que se emita informe polo Secretario-Interventor sobre os seguintes extremos:

- Lexislación aplicable
- Procedemento a seguir para o contrato menor
- Órgano competente para contratar
- Existencia de crédito orzamentario e a súa adecuación

QUINTO.- De existir crédito orzamentario suficiente e axeitado para o efecto, procédase a súa retención polos servizos de contabilidade e solicítese oferta ás empresas que se relacionan deseguido, que considero capacitadas para a execución do obxecto do contrato, para que, no prazo de 3 días hábiles, a contar desde o seguinte ao que reciban a invitación, presenten a súa oferta por medios electrónicos e conforme ao modelo que se achega como anexo, facéndolles saber que non se admiten variantes e que o único criterio de adxudicación será o prezo máis baixo.

ACIDEKA, S.A

JOFISA, S.L.

LINCOLD IBERICA, SL.

O alcalde en funcións
Alberto Cortizas Rejo"

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

5. MODIFICACIÓN DE DATOS DE INSCRICIÓN NO REXISTRO DE ANIMAIS POTENCIALMENTE PERIGOSOS

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

O Sr. Secretario-interventor dá conta da solicitude da persoa interesada, da proposta de acordo da Alcaldía con respecto a este punto da orde do día que se transcribe literalmente deseguido e consta asinada dixitalmente no expediente electrónico que se indica a continuación, e demais documentación del:

“PROPOSTA DE ACORDO QUE FORMULA A ALCALDÍA

Logo de ver o escrito presentado pola persoa que responde as iniciais V.P.C., con DNI ***1372** e con domicilio no lugar de A Eive 1 – Santa Xiá - A Coruña, correspondente ao expediente administrativo TEDEC 2025/R002/000001, e a documentación que a acompaña, presentada en data 25 de febreiro de 2025, con número de Rexistro de Entrada 202500000000125, no que solicita a **modificación dos datos da inscrición** dun can no Rexistro de animais potencialmente perigosos, por cambio de propietario

Comprobados os antecedentes sobre o citado can, incluídos no expediente administrativo TEDEC 2022/R002/000002, e visto o acordo da XGL deste Concello, de data 31 de agosto de 2022, polo que se inscribe no Rexistro Municipal de Animais Potencialmente Perigosos ao citado can cos seguintes datos:

Número de inscrición: RMAPP-15050-002-2022
Propietario: R.L.G.
DNI: ***2527**
Domicilio: A Eive 1 – Santa Xiá, Monfero
Nome do can: Duque
Raza: American Staffordshire
Data de nacemento: 23-06-2021
Cor: Branco/marrón
Lugar de residencia: Eive- Santa Xiá-Monfero
Microchip: 941000026068801

Vista a documentación do expediente, na que constan modificados os datos do propietario do can, e o acordo da Xunta de Goberno Local deste Concello, de data 9 de xaneiro de 2025, de concesión de licenza administrativa para a tenencia de animais potencialmente perigosos, cunha validez de 5 anos, de acordo co apartado 3.º do citado art. 3 do Real decreto 287/2002 de marzo, (exp. TEDEC 2024/X003/000002) á persoa que responde as iniciais V.P.C., con DNI ***1372**, actual propietario/a do can.

Tendo en conta que a solicitude, coa documentación que se achega, está completa e na tramitación dos expedientes observáronse as prescricións legais aplicábeis, propóñolle á Xunta de Goberno local, a adopción dos seguintes acordos:

1.- Modificar na inscrición no Rexistro Municipal de Animais Potencialmente Perigosos, os datos referentes ao propietario do can ao que se refiren os seguinte datos, que quedaría:

Número de inscrición: RMAPP-15050-002-2022
Propietario: V.P.C.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

DNI: ***1372**
Domicilio: A Eive 1 – Santa Xiá, Monfero
Nome do can: Duque
Raza: American Stanffordshire
Data de nacemento: 23-06-2021
Cor: Branco/marrón
Lugar de residencia: Eive- Santa Xiá-Monfero
Microchip: 941000026068801

2.- Notificarlle o presente acordo ao interesado/a.

3.- Proceder á comunicación telemática do citado acordo na aplicación REGIAC, da Consellería de Medio Ambiente e Cambio Climático

Monfero, 12 de marzo de 2025

O Alcalde en funcións
Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

E sen máis asuntos que tratar, o Sr. Alcalde en funcións levantou a sesión, ás doce horas e corenta e sete minutos do día ao principio indicado, e eu, como Secretario, certifícoo.

O Alcalde en funcións

O Secretario